



MEULEUDIGUEZ

AR

MERC'HET HAC AR GRAGUEZ,

PE RESPONT

DA CHANSON POLTRET AR MERC'HET

HAC IMPERFECTION AR GRAGUEZ,

COMPOSET

EVIT RENTA JUSTIÇ D'AR VIRIONEZ.



Var ton Chanson an Arc'hant.



C'HOUI piou benac voe qen hardi da zrouc comz eus
ar merc'het,

En nr chanson nebeut poli, deut d'am selaou, me ho pet;
Mont a ràn da guemer difen ar penn-œuvr eus an natur :
Credi a ràn em bo rêson dirac qement a so fur.

En eur gomposi ar son-mâ, ne drempin qet va fluen
Nac er vestl, nac en huellen, m'en assur a dra certen :

Ar virionez, hep netra qen, a gunduo gant rêson
Va speret da renta justic da rouanez ar galon.

Ha possubl ve e vez cavet un den qen disqiantet
Da gredi scrifa en enep ar graguez hac ar merc'het!
Penos e vet bet qen hardi da garga a zefautou
Ur sex pini na dle receo nemet peb meuleudiou!

En ur jardin e ve guelet ros, fourdilis ha levant,
Hac a bep seurt fleurieu charmant hac a so meurbet
brillant,

Ha ma qever en o zoùes ur blanten ne ve qet mat,
Arabat eo o zamil oll, se ne ve qet delicat.

O sex caret dre ar bed oll, rouanes hor c'halonou,
Deurvezit recco an hommach a rentàn d'ho meritou.
Biqen na elfen ho meuli qement hac a veritet;
Mes, mar plich ar chanson-mâ dêc'h, e vin eurus bras
meurbet.

Da guenta tout, sonjomp ervad piou e deveus hor ganet,
Piou a soignas hon oad qenta, piou e deveus hor maguet,
Piou a ziscas demp-ni bale, comz, hac hor soigni nos-de,
Hac a voe qer carantezus evidomp hed e bue?

Ul lezen demeus an natur hon doug atao da garet
Ar vam dener e deveus bet epad nao mis hon douguet,
Hac epad an termen hir-se, nac a sourci e devoe
O clasq conserv ar froues tener demeus e oll garante?

Neuze pa e deveus ganet e c'hrouadur, gant poan vras,
E mâ nos-deiz ouz er soigni, rac na repos mui, siouas;
E speret hae e daoulagad so bepret var e buguel,
So qer coantic en e gavel, ma sonchet e zeo un El.

Pini e zeo ar guer qenta a brononc ar buguel-màn?
Ma n'en deo qet ar guer tener, ar gomz meurbet douc
maman?

Ea e joayou, en e boaniou e vam guès a a hanv bepret,

3.

Ar pezh a so ur merq patant deus e garante barfet.

Gant pebes soign ha pezh douçder, pa vemp clàn var
ar goele,

E clasq ur vreg hor soulagi ! n'en deo oll nemet ene.

Un adres ar vrassa e deus hac un êr qer delicat,

Mar qemeromp demeus e dorn gement a ro, fall pe vad.

Guelit en e bugaleach, peurvnia ur botrezie,
Bepret e vezo occupet o c'hoari tieguezic.

Ur boupinen so eviti an dra ar preciussa :

E dorloti a ra evel ur vam e buguel amañ.

Ar merc'het a so tamallet evel pennou avelet ;
Mes ha n'eller ivez rebech ar memes tra d'ar voaset ?
Nac a voaset so intourdi vel m'eo ur giroueten,
Hac a dro da bep seurt avel, qer scàn ha ma zeo o fen !

Petra a gaver en ur plac'h a verit ar rebechou ?
Ha n'en deo qet enni e rên ar gaerdet hac ar graçou ?
Ha n'en deo qet ar merc'het eo ar penn-œuvreus un Doue ?
Perac neuze clasq defautou en objet ar garante ?

Mar teu daoulagad ar merc'het d'ho talla ouz o zellet,
Vel a ra an eol beniguet, pa ve reir amzer fixet,
N'o sellit qet gant re attach, mar santite reont d'ec'h poan,
Mes tec'hit ha pellañt prompt, n'ouffec'h ober re vuan.

Mar deo monstrou an oll merc'het, evel a blich
d'ec'h laret,
Penos oc'h eus ar sottoni d'o c'hlasq ha d'o darempret ?
Dont da garout, da cberissa un dra a so dangerous,
A so certain ur follentez, ha na verit nep excus.

Anzavit oll gant güiriones, ha n'oc'h eus qet lavaret
Ur veach benac pa vijech o tarempred ar merc'het,
E ranferment an oll guenet, e voant caer, e voant brillant
Evel ma velomp da greiz-de an eol bars ar firmamant.

O zal a voa hanval bucc demeus a volz gaer an ee,

O daoulagad diou stereden, ar boneur a voa enne;
 O diou chod rus voa ur parter, carguet a ros hac a lys,
 O dent a voa diou renq perles demeus ur guender esqis.

Songit mad p'en devoe Doue crouet, d'e c'hrat ar vaoues,
 E cavas qer caer e labour, mar teuas crenn da baoues;
 Rac dre m'en devoa e formet evel e œuvr ar c'haera,
 E falvezas dezàn repos goude ober ur seurt tra.

Ur plac'h yaouanq, fur ha modest, so ornament ar
 bed-mâ,
 Rouanes an oll fleurennou, ur rosen eus ar gaera;
 E furete a so hanval demeus ar fourdilisen,
 E douçder a represant demp sempldet ar violeten.

Coulz eo beza en un desert evel beza assamblat,
 Ma na vez qet en bon toues ur certain nombr a verc'het.
 Me lavar hac a lavaro penos neus nep plijadur
 Elec'h ma vanq ar sex charmant, gûir ornament an natur.

Bezomp oll eta evite e peb amzer respet bras,
 Ha na laromp diouz ar merchet nemet vad e peb seurt cas.
 Rac dont da zrouc comz dioute, neo qet fêt un den galant:
 O meuli hac o enori a dleomp assuramant.

O sex ! objet va c'harantez, recevit va meuleudi,
 Heb doc'h neus neb boneurer bed, qement so eo melconi;
 Mes evit tremen ar vuez, ma eller dêc'h-hu plijout,
 Assur e vezor evurus : ennes eo ar c'henta tout.

Guelit amâ un den yaouanq, pa vez oc'h ober al lez,
 Na gav nep seurt contantamant nemet etal e vestrez.
 Nos ha deiz e mâ o sonjal er boneur en devezo
 Er moment a evurustet ganti ma en em gavo.

Piou a zisq d'ur buguel pedi, pa goumanç da gozeal?
 Ha n'en deo qet ar vam dener gant eves dreist ordinal?
 Oll momentchou eus e bue so consacret d'e buguel :
 Hac evit e savetci eo prest atao da vervel.

5

Lennit gant soign vad peb histor a so a viscoas scrifet
 Hac e velot traou burzudus rapportet var ar merc'het.
 Re hor be da zont d'o scrifa, rac abusi a rafemp
 Deus a vadelez hor c'haner, ar pezh ne felle qet d'emp.

Ne gomz'n nemet a ziou vreg demeus a guær Mon-
 troulez;
 Pere ra ar brassa enor da bep plac'h, da beb maouez:
 An itron eus a Rosampoul hac ar plac'heus ar ru Vras,
 O devije bet grêt certen o baro da veur a voas.

Anzavit eta, oll goaset, e zeo t'ec'h dêc'h ar merc'het,
 Hac ec'h ellont, e peb anzer, beza dêc'h oll preleret.
 Mes bezomp oll just ha leal: tout hon eus hon defautou,
 Ha tachomp prest d'en em ornî demeus a bep vertuzion.

Sperejou du, melconius a gavo da lavaret
 Abalamour ma soutenân qement all caus ar merc'het.
 Mes lezit-e da lavarât, me a gred a dra certen,
 E vezo contant ar merc'het dre ma teuân d'o souten.

Guelit memes ar volesti deus ar merc'het en dançou,
 Bepret etrezec an douar e zeo fixet o zellou.
 An douçder, an humilite a so bepret o fartach,
 Rac se, anzavomp oll, goaset, e tleomp dê peb hommach.

Nan, na eller nemet gounit e compagnunes merc'het,
 Peb dereadeguez atao a zisqer d'o darempret;
 Me gomz amâ en general; rac mar deus unan benac
 A verit blam, goas evite, devinout a rêr perac.

Ne gomzân nemet a verc'het demeus o sex an enor,
 Pere, eus ar societe, a ra'ar c'haera decor.
 Int eo a dleomp da veuli a galou hac a speret,
 Rac meritout mad a reont demeus hon pers peb respet.

Hac én a so ur stat tristoc'h eguet chom hep dimezi?
 Na gaver nep contantamant, na santer nemet anui.
 Evit souten poez ar vuez, dimezi a so guelloc'h:

6

Pa voar daou o touguen ur sam e vez cavet calz scànvoc'h.

Mes, neo qet avoalc'h dimezi; ret eo ivez sonjal mad,
Ober boneur ho pried qer, dre bep soign, dre bep seurt stat;
Sonjit mad en amzer eurus ma voac'h oc'h ober al lez,
Hac e vezot meurbet contant atao epad ho puez.

Caer ho pezo cavet abec ha caqetal ar merc'het,
Me ho quelo un deiz benac o tonet d'o zarempret;
Neuze, douc evel un oanic, c'houi lavarod d'ho mestres:
Va c'halonic qez me ho car hac ho caro da james.

Qent dont da achu va chanson, e regetàn ouz Doue
Evite oll peb seurt boneur etro pado o bue
Prosperite, contantamant, anfin tout o desiriou
Ha dreist oll ma vezint ornet dèmeus an oll vertuziou.

FIN.

~~~~~

## CONSTANÇ DAOU C'HALANT SEPARET

*Var un ton anavezet.*

**B**RASSA chagrin var ar speret  
A oufe bigen beza,  
Eo caret ha beza caret,  
Ha rancont dispartia :  
An diou galon a vez mantret,  
Flag o diou e tizec'hont;  
Caer o deus beza separet,  
En em garet a rancont.

Resista oc'h ar garantez  
A zo control d'an natur,  
Nep ne zelaon qet e monez